

DUNYONI HAYRATDA QOLDIRGAN QIZ

Xalqimizda to'yga to'yona bilan borishdek ajoyib bir udum bor. Unga amal qilgan yurtdoshlarimiz ayni faraxbaxsh kunlarda Mustaqillik bayramiga to'yonalar hozirlashyapti. Quruvchilar osmono'par, ko'rkam binolarni, yo'lsolar yangi ko'prig-u ravon yo'llarni foydalanishga topshiryaptilar. Kelajagimiz egalari bo'lmish yoshlarimiz ham barcha sohada qo'lga kiritayotgan yutuqlarini yurtimiz to'yiga tortiq qilmoqdalar.

Glier nomidagi musiqali akademik litseyning 6-sinf o'quvchisi Ogila MTRXO'JAYEVA ana shunday iqtidorli, tirishqoq, izlanuvchan qizlardan biri.

U kuni kecha Italiyaning San-Bartomoleo al Mare shahrida bo'lib o'tgan «Giovani Talenti» 26-xalqaro yosh musiqachilar tanlovida qatnashib, pianino cholg'usi bo'yicha Gran Pri sohibasi bo'ldi.

Ogila qizimizni bu ulkan muvaffaqiyat bilan qutlaymiz! U bilan qilgan suhbatimizni gazetamizning navbatdagi sonida o'qiysiz.

Iqtidor, ijod – Vatan sharafi,
Barkamol avlod – davr talabi!



Ta'tilda miziqib dam oldik.
Endi navbat o'qishga!



Aziz bolajonlar, ta'til kunlaringizning tugashiga ham sanoqli kunlar qoldi. Uni maroqli o'tkazishingiz uchun hukumatimiz tomonidan barcha zarur shart-sharoitlar yaratildi. Sizlarga yaxshi tanish bo'lgan «Sog'lom avlod uchun» hukumatga qarashli bo'lmagan Xalqaro xayriya jamg'armasi ham bu borada ko'plab xayrli ishlarni amalga oshirdi.

BUNDAY YURTGA SOG'LOM AVLOD YARASHADI!

Jumladan, an'anani buzmaganda, jamg'armaning «Tibbiy-ijtimoiy markaz»ida kam ta'minlangan, boquvchisini yo'qotgan bolajonlar uchun «Sog'lom avlod» yozgi dam olish oromgohi tashkil qilindi. Oromgoh to'rt mavsumga mo'ljallangan bo'lib, u yerda Toshkent shahrida istiqomat qiluvchi jami 200 nafar bolajonlar hordiq chiqarishdi. Bolajonlarning zerikib qolmasliklari uchun madaniy-ma'rifiy dasturlar, sport musobaqalari tashkillashtirildi, turli to'garaklar ular ixtiyorida bo'ldi. Dam oluvchilar jamg'arma «Tibbiy-ijtimoiy markaz»ining malakali shifokorlari nazoratida bo'ldilar. Shuningdek, «Sog'lom avlod

kent viloyatidagi «Oqtosh», «Kimyogarlar» oromgohlarida Samarqand, Buxoro, Navoiy, Toshkent viloyatlari va Toshkent shahridan 355 nafar kam ta'minlangan oila farzandlarining maroqli dam olishlari tashkillashtirildi.

Bundan tashqari, jamg'arma yurtimizning chekka hududlarida istiqomat qilayotgan tengdoshlarining ham e'tibordan chetda qoldirmadi. Jamg'armaning tibbiy-patronaj guruhi tomonidan Qoraqalpog'iston Respublikasining Nukus shahri, Shumanay, Kegeyli, Qora-o'zak singari tumanlaridagi oilalar farzandlarining sog'lig'i tibbiy ko'rikdan o'tkazilib, sog'lom turmush tarzini shakllantirish bo'yicha targ'ibot va tashviqot ishlari olib borildi va ularga tibbiy hamda xayriya yordamlari ko'rsatildi.

Mustaqilligimizning 20 yilligiga bag'ishlab «Sog'lom avlod» jamg'armasi Qoraqalpog'iston filiali tomonidan «Buyuk va muqaddassan, mustaqil Vatan!» shiori ostidagi bayramni

ko'tarinki ruhda o'tkazish maqsadida bir qancha tadbirlar o'tkazildi. Tadbir

1993-yil 4-mart:
Yurtboshimiz tomonidan «Sog'lom avlod uchun» ordenini ta'sis etish to'g'risida»gi Farmon chiqarildi.

doirasida kam ta'minlangan oilalar, nogironlar, yetimlar, yolg'iz qariyalar holidan xabar olinib, xayriya yordamlari berildi.

Bunday tadbirlardan asosiy maqsad, yosh avlodning bekam-u ko'st unib-o'sishi, kelgusida yurt koriga yaraydigan munosib avlod bo'lib voyaga yetishidir. Mamlakatimiz navqiron yoshga to'lmoqda. Bunday yurtga har tomonlama yetuk, bilimli va sog'lom avlod yarashadi.

Ozoda TURSUNBOYEVA

1993-yil 23-aprel:
«Sog'lom avlod uchun» xalqaro nohukumat xayriya jamg'armasini tashkil etish to'g'risida»gi Farmon chiqarildi.

uchun» jamg'armasi tomonidan Rossiyaning O'zbekistondagi elchixonasi ko'magida yozgi ta'til mavsumida kam ta'minlangan oilalarning farzandlari uchun Samarqand viloyatidagi «Sitara», Farg'ona viloyatidagi «Humo» va Tosh-

QO'SHALOQ BAYRAM MUBORAK!

Odatda biz o'quvchilar har yili yangi o'quv yilini o'zgacha bir hayajon bilan kutamiz. Bu yil esa hayajonimiz ikki hissa ortiq! Chunki Mustaqillik bayramimiz hamda Ramazon hayitini nishonlash arafasida turibmiz. Maktab formamizni,

o'quv anjomlarimizni taxt qilib, «Bilimlar kuni»ni intilqilik bilan kutaymiz.

H a d e m a y, respublikamizning barcha ta'lim maskanlarida yang-raydigan birinchi qo'ng'iroq sadosi, qalblari faxr va ifti-

xorga to'lib, yurtimiz madhiyasini kuylayotgan o'quvchilar ovozi hozirdanoq qalblarni hayajonga solyapti. Yanada ko'rkamlashib, orolanib o'quvchilarni o'z bag'riga chorlayotgan bilimlar qasridagi birinchi saboqning mustaqillikka bag'ishlanishida ham ajib bir hikmat bor.

Ko'zlarida iftixor tuyg'usi balqib turgan mehdirdaryo ustozlarimizni, qalblarida Vatanga muhabbat hissi barq urgan bilimga chanqoq tengdoshlarimni Istiqlol ayyomi bilan muborakbod etaman!

Munisa YOQUBJONOVA,
poytaxtdagi 132-maktabning 8-«A» sinf o'quvchisi

EZGULIKLAR ORALAB...

Vatan madhini kuylash uchun qo'limga qalam oldim. Negadir qalbimni hayajon qamrab oldi. Yoxud qo'rquv bosdi, desam ishonasizmi, do'stim? Chunki Vatan haqida kuy-lashning, hech kim aytmagan yangi fikr, so'z aytishning o'zi bo'lmas ekan. Dilda samimiylkdan yiroq ketolmay qolarkansiz. Barchamizga kuch-quvvat, g'ayrat, shijoat baxsh etayotgan O'zbekiston dunyodagi eng qadimiy va betakror o'lka. Demakki, biz tarixning yurak qatlarida yashayapmiz. Menimcha, bu buyuk baxt! Ajdodlarimiz izidan borib, elimizga munosib farzand bo'laylik! So'zimizni saralab, ezguliklar oralab yursak, yurtga chin farzand bo'lamiz. Zero, yaxshilikdan ulug' so'z yo'qdir dunyoda!

Shalola JUMAYEVA,
Buxoro viloyati, G'ijduvon tumanidagi 63-ixtisoslashgan maktab-internet o'quvchisi



KITOB LARNI SOG'INDIM

O'quvchilik paytlarimda juda ko'p kitob o'qiganman.


Maktabimiz yonida tuman Bolalar kutubxonasi bo'lardi. U yerda Ra'noxon va To'xtaxon opalar ishlashardi.

Qachon kutubxonaga kirsam, meni iliq qarshi olib, «Siz shoirimizsiz», deya kitoblar bilan bemaol tanishishimga ruxsat berishardi.

Kutubxonada adiblarning tug'ilgan kunlariga bag'ishlab tadbirlar tashkil qilinardi. Gazeta va jurnallarning bir necha yillik taxlamlari ham turardi.

Xullas, bu nurxona ajoyib maskan edi.

Maktabni bitirib, harbiy xizmatga



chaqirildim. Oradan ikki yil o'tgach, uyga qaytib, kitoblarni sog'inib, maktab tomon yo'l oldim.

Ammo... u yerda mening mo'jazzgina kutubxonam yo'q edi. Uning o'rinda chuqurlikni ko'rdim.

Maktabdagilardan so'rasam, ular kutubxona binosi yaroqsiz holatga kelib qolganligi sababli buzib tashlangani, kitoblarning yarmi aholi yashaydigan ko'p qavatli binoga, yarmi tuman kutubxonasiga joylashtirilganligini aytishdi.

Bugun yosh shogirdlarimga juda-yam havasim keladi. Dunyo andozalari darajasidagi axborot resurs markazlari ular xizmatida. Istagan kitoblari bir zumda muhayyo qilinadi. Tilagim – kutubxona ularni ohanrabodoy o'ziga tortuvchi maskan bo'lib qolsin.

Abdumannon TOSHTEMIROV,
Farg'ona viloyati, Bag'dod tumanidagi 1-umumta'lim maktabi o'qituvchisi

BU OLAMDA YAQONAMSAN!

**Bir mayizni bo'lishgan el,
Oyday ozib, to'lishgan el,
Bag'rikeng-u mardonamsan –
Bu olamda yagonamsan!**

«Transportchi avlod» nomli sog'lomlashtirish oromgohida taniqli shoir Bobur Bobomurod o'qigan ushbu she'rni bolajonlar qarsaklar bilan kutib olishdi. Ta'tilning so'nggi kunlarini oromgohning 4-mavsumida mazmunli o'tkazayotgan o'quvchilar uchun bu kun juda maroqli bo'ldi-da! Yurtimiz mustaqilligining 20 yilligiga bag'ishlangan «Yurtim, qutlug' yoshing muborak!» nomli tadbirni Yunusobod tumani Ma'naviyat targ'ibot markazi rahbari Nigora opa Abdurahmonova ochib berdilar.

Taniqli san'atkorlar Nargiza Abdullayeva, «O'zbeknavo» estrada xonandalari, Hamid Olimjon nomidagi madaniyat uyi san'atkorlari o'z chiqishlarida Vatanimiz O'zbekistonni, Istiqlolni madh etdilar. Qiziqarli savol-javoblarda qatnashgan bilag'on bolalar Yunusobod tumani hokimiyati

tomonidan sovg'alar bilan taqdirlandilar. Shodliklari ichlariga sig'mayotgan o'quvchilarni suhbatga chorladik:

– Men Marhabo Qarshiboyeva, Ohangaron shahridagi 7-maktabning 5-sinf o'quvchisiman, – deya o'zini tanishtirdi suhbatdoshimiz. – Bu yil oromgohda maroqli dam oldim. Ayniqsa, bugungi uchrashuv kayfiyatimizni yanada ko'tarib yubordi. Sevimli shoirimiz Bobur Bobomurod, aktrisa Nargiza Abdullayeva bilan maroqli suhbat quridik.

– Mustaqil O'zbekistonimizning qutlug' to'yi arafasida tashkillashtirilgan ushbu tadbir biz dam oluvchilarni yanada ruhlantirdi, – deydi Ohangaron shahridagi 11-maktab o'quvchisi Sohob Egamqulov.

Quvnoq kuy va qo'shiqlarga raqsga tushgan bolajonlarni ko'rib, bizning ham kayfiyatimiz ko'tarildi. Mustaqil O'zbekistonimizda kamol topayotgan baxtiyor avlodga omad va baxt tilab, ular bilan xayrlashdik.

Gulyuz BAHODIR qizi

Suratlar muallifi: Zuhra MUHSIMOVA

YO'LDAGI O'YLAR

Xalqimizda «Yo'lqurgan odamning yo'lini beradi» degan naql bor. Yaqinda vodiy safaridan poytaxt tomon yo'l olganimda, xalqimizning har bir naqlida olam-olam hikmat borligiga yana bir bor amin bo'ldim. Yoshlari saksandan oshgan, lekin bir yigitchalik g'ayrati bor nuroniy bir otaxon, chamasi sakkiz yoshlardagi qizaloq hamda o'n yoshlar atrofidagi, ko'zlari chaqnab turgan bolakay bilan bizga hamroh bo'lishdi. Ravon yo'lda shitob bilan olg'a intilayotgan «Nexia» Qamchiq dovoniga qarab o'rimalay boshlaganida, orqada o'tirgan qizaloqning qo'ng'iroqday tovushi yangradi:

– Bobojon, Toshkentga yetay dedikmi?

Bu gapni eshitib, haydovchi

ikkimiz baravar kulib yubordik. Otaxon ham yayrab kuldilar.

– Ona qizim, endi yo'lga tushdik-ku. Hali bir soat ham yurganimiz yo'q. Mana shu tog'ni oshib o'tsak bo'lgani.

Qizaloqning gapidan so'ng suhbatimiz jonlanib ketdi. Ilgari yarim kun poyezdda yoki sakkiz-o'n soatlab avtobusda yurib, poytaxtga yetgan bo'lsak, hozirda uch soatda Toshkentdamiz. Vodiy bilan poytaxt orasi xuddi bir qadam bo'lib qolganday. Tog'lar bag'rini tilib o'tgan ravon yo'ldan o'tib borarkanmiz, beixtiyor shu yo'lning yigirma yil oldingi holati ko'z oldimga keldi. O'nqircho'nqir, chang-to'zonli yo'l. Kattaroq mashina kelib qolsa, qarshi tomondan kelayotgani chetga o'tib, to'xtab turardi. Hamma haydovchilar ham yurak yutib dovonga yo'l solisholmasdi. Mashinamiz tog'ning eng baland nuqtasiga joylashgan birinchi yer osti yo'lga yaqinlashganda, bolajonlarning quvonchini bir ko'rsangiz edi! Undan-da uzun ikkinchi yer osti yo'lidan o'tganda, otaxon ham nevaralariga qo'shibil zavqlandi, serajin yuzida iftixor tuyg'usi balqidi. Bugungi kunda dovon yo'lida

bunyodkorlik, obodonlashtirish va ko'kalamzorlashtirish ishlari har qachongidan ham qizg'in bormoqda. Tog' yonbag'rilarida barpo etilgan archazorlar, yaproqlari yengil shabadada asta tebranib turgan terakzorlar yaqin yillarda dovon yo'lini yanada ko'rkamlashtirib yuborishi shubhasiz. Go'zal tabiat manzarasiga mahliyo bo'lib, tog' yo'lini ortda qoldirganimizni ham sezmay qolibmiz. Otaxon bilan ham ancha ham suhbat bo'ldik. U kishining yana bir gapi dilimda o'mashib qoldi:

– Qarang-a, – dedi u kishi nevarasining boshini silarkan. – Uch yuz chaqirim yo'lini bosib o'tganimiz ham sezilmadi. Ilgarigi paytlar bo'lganda, odam ezilib ketardi. Yo'lning ravonligini qarang! Yo'l qurib, odamlarning uzog'ini yaqin qilgan yaxshi insonlar hech qachon kam bo'lmagan.

– Mashinalarimiz ham zo'r-da, – dedi haydovchi rulga sekingina urib qo'yarkan. – Bu mashina yerning samolyoti...

Darhaqiqat, qisqa vaqt ichida yo'llarimiz jahon talablari darajasiga ko'tarildi. Mamlakatimiz avtomobil ishlab chiqaruvchi yigirma sakkizta nufuzli davlat orasidan munosib o'rin oldi. Bu mulohazalar ulkan ishlardan ayrimlari, xolos. O'lis yo'l davomida ko'ngilga kelgan gaplar. Istiqlol tufayli turli sohalarida olamshumul ishlar amalga oshirildi. Bunday ishlar esa juda ko'p. Uzundan-uzun temiryo'llar, ufqqa qadar cho'zilgan bog'lar, bulutlar bilan bo'ylashgan muhtasham binolar... Ular haqida zukko o'quvchilarimizdan ham eshitishni juda-juda xohlardik.

Yusuf ABDULLAYEV

Ta'tilning zavqli onlari oxirlab borar ekan, o'quvchilar qalbini yanada kuchliroq hayajon bosadi. Boisi, ular qo'shaloq bayram – Mustaqilligimizning yigirma yilligi hamda yangi o'quv yilini zavq-shavq bilan kutib olishga tayyorgarlik ko'rishmoqda.

Bu borada tengdoshlaringiz nimalar deyishyapti?

KELAJAKNING BUGUNI



– Insonga umr berilar ekan, uni mazmunli, ibratli tarzda o'tkazish lozim, – deydi Xorazm viloyatidagi 21-tarix faniga ixtisoslashgan maktabning 9-sinf o'quvchisi Dildora Zaripova. – Buning uchun esa yoshlikdanoq yaxshi xulq, mustahkam bilim egasi bo'lishga intilish dardkor.

Hukumatimiz tomonidan biz yoshlar uchun benihoya katta imkoniyatlar yaratilgan. Viloyatimizda yagona hisoblangan tarix faniga ixtisoslashgan maktabimizda ham barcha sharoitlar yetarli. Maktabdoshlarimning viloyat va respublika tanlovlarida muvaffaqiyatli ishtirok etib kelishayotganining o'ziyoq yuqoridagi so'zlarim isbotidir.

Mening viloyat «Kamolot» yoshlar ijtimoiy harakatining «Kamalak» bolalar tashkiloti viloyat Sardorlar Kengashi raisi ekanligim esa zimamga katta mas'uliyat yuklaydi.

Viloyatimiz «Kamalak»chilari Istiqlolimizning 20 yilligiga bag'ishlab o'tkazilayotgan «Yoshlik shijoati», «Shahrim gullari», «Ustozlarga ehtirom» kabi tadbirlarning quvnoq va qiziqarli o'tkazilishida bosh-qosh bo'lishyapti. Bu kabi tadbirlarda Yurtboshimiz so'zlari doimo qulog'imiz ostida jaranglab turadi: «O'zbekiston yuksak darajada taraqqiy etgan iqtisodiy bilangina emas, balki bilimdon, ma'naviy jihatdan yetuk farzandlari bilan ham jahonni qoyil qoldirishi lozim».



IBRATLI – SO'ZI YOQIMLI

«Ibratli o'quvchi» nomini olish oson emas, buning uchun a'lo baholarga o'qishning o'zi kifoya qilmaydi. O'quvchining namunalari xulqi, chiroyli odobi va albatta o'tkir bilimi bo'lishi shart. Ana shunday nomga munosib topilgan Sardorbek Hakimov Buxoro viloyati, Kogon shahridagi 7-umumta'lim maktabining 7-sinf o'quvchisi. Uning «Faxriy yorliq»lari juda ko'p. Chunki maktab, tuman, viloyatda o'tkaziladigan hech bir tanlov usiz o'tmaydi-da!

– Bo'sh vaqlarimni kutubxonada o'tkazishni xush ko'raman, – deydi Sardorbek. – Kitob o'qish menga juda yoqadi. Geografiya faniga qiziqishim sabab «Bilimlar sinovi»da bilimimni sinab ko'rdim. Tuman, shahar bosqichlaridan o'toldim, xolos. Shunda tushundimki, hali juda ko'p o'qishim kerak ekan. Bu gapni ustozim Roziya Xayrullayeva ham doimo takrorlaydilar. Ularning beminnat yordamlari tufayli o'qishga, o'rganishga ishtiyogim yanada ortyapti. Nasib bo'lsa, yangi o'quv yilida bilimimni mustahkamlab, navbatdagi sinovda hech kimdan kam emasligimni, albatta, isbotlayman!

Ishtiyog sizni hech qachon tark etmasin, hamisha ibratli o'quvchi bo'lib yuring, Sardorbek!

BAVRAMEA SO'VE'AM BOR

Irodaxon qo'shaloq bayramni munosib qarshi olish uchun harakatni ancha ilgariroq boshlab yubordi. Shu sababdan ham uning yozgi ta'tili juda mazmunli o'tmoqda.

– Ta'tilda o'qishni o'rganib oldim, – deydi Kitob tumani, Hayrabod qishlog'idagi 36-umumta'lim maktabining 7-«A» sinf o'quvchisi Irodaxon Ashurova.



– Istiqlolimizning 20 yilligiga atab gilamcha to'qiyapman. Maktab boshlanganda esa dugonalarimga ham to'qishni o'rgataman. Bu yilgi ta'til menga katta imkoniyatlar eshigini ochganidan juda xursandman.

Ta'til ham o'qish, o'rganish fasli-da! Uni bekor o'tkazgan o'quvchi ko'p narsa yo'qotadi. Buni Irodaxon juda yaxshi biladi.

Tengdoshlaring ijodi

KELAJAK



NIHOLLARI

Erkdan kulib kamolimiz,
Nurafshondir iqbolimiz.
Go'zallashib jamolimiz,
Biz kelajak niholimiz.

Istiqloldan yorug' yuzim,
Ta'riflashga yetmas so'zim.
Oqlagaymiz non-u tuzing,
Biz kelajak niholimiz.

O'zbekdirmiz, qalbdagi g'urur,
Odimlaymiz o'ktam, mag'zur.
Bu damlarga berar surur,
Biz kelajak niholimiz.

Zebo TO'XTAYEVA,
Navoiy viloyati, Xatirchi
tumanidagi 24-umumta'lim
maktabi o'quvchisi

UMR

Inson umri oqar bir daryo,
Fasllarga qiyosdir go'yo.
Bolalik bahorga o'xshaydi,
Yozida o'smirlik yashaydi.
Sarhisob umrning kuzidir,
Keksalik boshda qor-qishidir.

Umida NORQOBILOVA,
Surxondaryo viloyati, Sho'rchi
tumanidagi 54-maktab o'quvchisi

BOKIRA TUYG'ULAR

Qalbinning chechagi, ko'nglinga malham,
Gullar yanog'ida porlaydi shabnam.
Bokira tuyg'ular qurshaydi meni,
Qarog'imda gullab ketadi olam.

Seldayin keladi yurakdan ilhom,
Qalbmida uyg'onar ma'suma hislar.
Tabiat chiroyi buncha ham go'zal,
Jannati iforlar, ajib bir hislar.

Pokiza tilaklar mezonday uchar,
Nafosat gulshani, gurkirar shoyon.
Qalblarda chechaklar so'nmasin hech ham,
Qalblarda abadiy bo'lsin namoyon.



Madinabonu NABIYEVA,
Farg'ona viloyati, Marg'ilon shahridagi Jahon Otin
Uvaysiy nomli adabiy to'garak a'zosi

BO'YLARIMGA BO'Y QO'SHILSA...



Bo'ylarimga bo'y qo'shilsa quvongan,
Men shodlansam, quvonchdan ko'zi yongan,
Bemor bo'lsam, hasratlar chekib tolgan,
Siz hammadan mehribonsiz, onajon.

Uzun sochim silab, kulib qaraysiz,
Tunlaringiz oppoq tongga ulaysiz,
Ona, asli farishtaga o'xshaysiz,
Siz hammadan mehribonsiz, onajon!

Yashnatguvchi asl bog'bon o'zingiz,
Yoritguvchi nur-charog'bon o'zingiz,
Keragimsiz, jonga darmon o'zingiz,
Siz hammadan mehribonsiz, onajon!

Husningizni bo'lib oldik so'ramay,
Goh sho'xliklar qildik sizni ayamay,
Onajonim, boringizdan aylanay,
Siz hammadan mehribonsiz, onajon!

Donoxon BAXTIYOROVA,
poytaxtdagi 260-maktab o'quvchisi

«CHOTQOL» — BIR UMARGA YODIMDA QOL!

Hech qulog'ingizga chalinganmi, Toshkent viloyatida joylashgan Bo'stonliq tumanining ob-havosini nomdor dam olish maskanlari bo'lgan ayrim davlatlar havosidan ham yengilroq, deyi-shadi. Ko'plab oromgohlar, dam olish maskanlarining aynan shu so'lim go'shada joylash-gani ham bejiz emas, albatta.



O'quvchilarning yozgi ta'til kunlarida u yerdagi oromgohlarda bo'lib, lavhalar tayyorladik, o'quvchilarning ta'til taassurotlari bilan o'rtoqlashdik.

Yusufxona qishlog'ida joylashgan «Chotqol» nomli bolalar sog'lomlashtirish oromgohida bu yil to'rt mavsumda Toshkent, Buxoro, Qo'ng'iro't, Xorazmdan kelgan 3000 ga yaqin o'g'il-qiz ta'tilni maroqli o'tkazdi.

Navbatdagi sahifamiz ana shu so'lim maskanga bo'ldi.

— Juda omadli ekanmiz, «Kichik biznes va xususiy tadbirkorlik yili» munosabati bilan «Biznes yoz — 2011» tadbiri o'tkazilayotgan kunda kelibmiz, — dedik quvonib.

— Aslida oromgohimizda biror-bir tanlov,

tadbir o'tkazilmaydigan kunning o'zi yo'q, — deya bizni oromgoh bo'ylab sayrga chorladi kutubxona mudirasi Aziza YO'LDOSHEVA. — «Biznes yoz — 2011» rejasiga ko'ra oromgohdagi guruhlar «Aksiyadorlik jamiyatlari» deb nomlanib, har biri hisobiga bank raqamlari ochildi. Ular tadbirlarda qatnashib, o'z guruhlari banki hisobiga bonuslar to'plab bordilar. Mavsum davomida to'plangan bonuslar hisoblab chiqilib, g'oliblar aniqlandi. «Eng tejankor guruh», «Eng faol guruh», «Eng ishbilarmon guruh» nominatsiyalari bo'yicha g'olib chiqqan guruh a'zolari to'plagan bonuslarini hovuzda cho'milishga, qo'shiq, oshxonada taom buyurtma qilishga sarfladilar.

Kuni kecha mustaqilligimizning 20 yilligi va oromgohimizning 25 yilligiga bag'ishlangan «Mustaqillik mening taqdirimda» hamda «Chotqol» do'stlarni chorlaydi» nomli bolalar ijodiy festivali o'tkazildi. Festivalda ishtirok etgan 650 dan ziyod dam oluvchilarga oromgoh surati, nomi tushirilgan futbolka va bosh kiyimlar sovg'a qilindi. Qo'shni oromgohlardan kelgan mehmonlar bolajonlar ijrosidagi quvnoq kuy va qo'shiqlar, raqslar va sahna ko'rinishlarini maroq bilan tomosha qilishdi. Ayniqsa,



kattakon bayram torti hammani hayratlantirdi. Festival so'ngida so'zga chiqqan oromgoh rahbari Erkin Dehqonov faol o'quvchilarga esdalik sovg'alari topshirdi...

— Biz hayotimizdagi eng quvonchli kunlardan birini shu yerda nishonladik! — deyishdi tug'ilgan kunlari oromgohda dam olish kunlariga to'g'ri kelib qolgan o'quvchilar mamnuniyat bilan. — Biz uchun to'kin dasturxon bezatildi, shirinliklar, sovg'a-salomlar ulashildi. Ayniqsa, tarbiyachi va yetakchilarimiz ijrosidagi «Yetakchilar konserti» bizda katta taassurot qoldirdi. Xuddi bolalardek kiyinib olgan yetakchilarimiz kuylagan qo'shiqlarni tinglash, bosh tarbiyachimiz Gulchehra opa Azizova, oromgoh rahbari Erkin aka Dehqonovlar ijrosidagi sahna ko'rinishlarini tomosha qilish har kuni ham nasib qilavermaydi-da, axir! Qo'ying-chi, tug'ilgan kunimiz uydagidan ham qiziqarliroq o'tdi...

Murg'ak qalblari moviy osmondek beg'ubor, buloq suvidek musaffo bolajonlar quvonchiga sherik bo'lishdan ham ortiqroq baxt bormi dunyoda? «Chotqol» — bir umrga yodimda qol!» deya oromgoh bilan xayrlashayotgan o'g'il-qizlar ko'zidagi quvonchni ko'rib, ich-ichimizdan ana shu totli tuyg'uni his qildik.

ZAMONBEKA



SO'LIM OROMGOHLARDA

Respublikamizning barcha o'quvchilari qatori farg'onalik o'g'il-qizlar ham yozgi ta'tilni maroqli o'tkazib, yangi o'quv yiliga yangi kuch-g'ayrat bilan hozirlikni boshlab yubordilar.



Marg'ilon shahridagi 1-«Mehribonlik uyi»ning 135 nafar tarbiyalanuvchilari Quvasoy shahri, Lashkar qishlog'ining xushmanzara, mevali daraxtlar bilan burkangan «Mehnat va rohat» oromgohida miriqib dam oldilar.

— Bu yerda bolalar sport bilan shug'ullanishlari uchun voleybol, basketbol, futbol, stol tennisi, bel olish kurashi to'garaklari muntazam ish olib bordi, — deydi oromgoh rahbari Kamoliddin Yoqubov. — Dam oluvchilar dasturxoniga har kuni oromgoh bog'ida pishib yetilgan sarxil mevalar, poliz mahsulotlarini tortiq qildik.

Oromgohda faoliyat ko'rsatayotgan bichish-tikish, qo'l mehnati, duradgorlik, kompyuter savodxonligi kabi to'garaklarda o'quvchilar hunar o'rganishdi, saboq olishdi. «Oromgoh malikasi», «Balli, yigitlar!», «Siz qonunni bilasizmi?», «Quvnoqlar va zukkolar» kabi turli bellashuvlar, ko'ngilochar o'yinlar o'tkazilishi ta'tilga mazmun baxsh etdi.

Oltiariq tumani xalq ta'limi bo'limiga qarashli «Yulduz» bolalar oromgohida dam olgan o'quvchilar 20 dan ziyod tarbiyachi va yetakchilar boshchiligidagi qiziqarli uchrashuvlar, musiqali kechalar, sport musobaqalari, ziyoratgoh va qadamjolariga sayohatlar uyushtirishdi.

Dam oluvchilarning mavsumlar ochilish va yopilish marosimlaridagi badiiy musiqali chiqishlari o'ta-onalar va mehmonlarga juda manzur bo'ldi.

Marg'ilon shahridagi 23-, 25-, 32-maktablarda tashkil qilingan oromgohlarda har mavsumda 250 nafar bolajonlar sog'lomlashtirildi.

Shahar hokimligi huzuridagi voyaga yetmaganlar ishlari bo'yicha komissiya tomonidan ishlab chiqilgan «Yoz — 2011» chora-tadbirlari dasturiga asosan bolalarni sog'lomlashtirish maqsadida hokimlik va homiy tashkilotlar tomonidan barcha sharoitlar muhayyo qilindi. Shuningdek, shahar tashqarisidagi oromgohlarda 660 dan ziyod bolalar dam olishdi. Ularning 400 nafari 1-«Mehribonlik uyi» tarbiyalanuvchilaridir.

Bu kunlar bolalar xotirasida eng zavqli damlar sifatida saqlanib qolishi shubhasiz.

Muhammadjon MAHMUDOV, Marg'ilon shahri

Bayram tabrigi

Xudoyberdi TO'XTABOYEV,
O'zbekiston Xalq yozuvchisi



– O'tgan yigirma yil ichida mamlakatimiz har jihatdan yuksaldi. Mustaqillik sharofati bilan millatimiz o'zligini angladi. Natijada, yurtimiz har sohada katta muvaffaqiyatlarga erishdi. Yurtboshimizning «Biz hech kimdan kam emasmiz, kam bo'lmaymiz ham!» degan so'zlarini qalbdan his qilib, iftixor bilan yashash baxti barchamizga nasib etdi.

Qadrli yurtdoshlarim, barchangizni mustaqil O'zbekistonimizning 20 yilligi bilan muborakkob etaman!

Dilshod RAJAB

YIL ISTAGI

Bu yurt ertasidan xabar —
Ko'kda zarrin hilol bo'lgay.
Yana yashnar dala-dashtlar,
Havo sof, suv zilol bo'lgay.

Olloh nazar qilgan yer bu,
Mudom tinchlik g'amin yer u,
Kam emas, kamtarin el bu,
Ki kamtarga kamol bo'lgay.

To'kib ter, tinmagay joni,
Osmonga ustun xirmoni,
Ochiq qo'li, dasturxonni,
Butun noni halol bo'lgay.

Yuksalur, kuch olib kunda,
Oydayin balqar ochunda,
Bobolar barhayot bunda,
Bolalar barkamol bo'lgay!

O'ZBEKISTON
Ne-ne ta'rif-tashbeh bitdilar,
Mangu ilhom, mangu imkonsan.
Ikki daryo oralig'ida
Jo'shib yotgan ulkan ummonsan.

Bag'ringni dur-marvarid kabi
Ezguliklar etmishdir maskan.
Yomonlig-u yovlar yo'lga
Ikki daryo ko'ndalang har dam.

Boqib bag'rim to'lur ziyoga,
Sen — ko'zimning oq-qoraligi.
Alishmasman ikki dunyoga
Ikki daryo oralig'ini!

BOLAJON HAYAJONI

Qayon boqsam: yangilik!
Boshim aylanib ketdi.
Shahrinni taniyolmay,
Yuragim o'ynab ketdi.

Shu yaqin oralarda,
Toshkentni kezmanman-da.
Shuncha saroy o'sganin,
Ko'rmabman, sezmanman-da!

Bu yangi oq qasrlar,
Qaysi oyda yuksalgan?
Manov elektrovoz
Qachon kelgan vokzalga?

Navoiy ko'chamizni
Go'zal qipmiz bunchalik!
«Spark» degan moshinlar
Ko'payibdi shunchalik!

Hovuzli sportzal,
Qurilibdi maktabda.
Suzishga endi men ham
Qatnashaman, albatta.

Shu Vatan menikidir,
Yuksalyotgan samoga.
Tanitgayman men endi,
Yurtim nomin dunyoga!



HOSIL BAYRAMI!

Bir yoqda paxta xirmon,
Bir yoqda g'alla xirmon,
Shodlikdan yangrar har yon —
Bugun hosil bayrami!

Dehqonning ko'ngli yorug',
Bog'bonning ko'ngli yorug',
Elning suprasi to'lug',
Bugun hosil bayrami!

Gurvak qovunga qarang,
Sharbatga to'la, tarang,
Yorilmay turar arang,
Bugun hosil bayrami!



Kunday rangin olmalar,
Tergan beli tolmalar,
Peshtaxtada tovlanar,
Bugun hosil bayrami!

Bir bosh uzum bir kilo,
Billur qandildir go'yo,
Asaldir ta'mi, illo,
Bugun hosil bayrami!

Meva-cheva har taraf,
To'y maysan qarab-qarab,
Bulbul kabi chah-chahlab,
Sayravorging keladi,
O'ynavorging keladi...
Bugun hosil bayrami!

TEATR - Hayot Sahnasi



Teatr — bu insoniyat tarixidagi eng birinchi san'at markazi. Teatr san'ati bunyod bo'lgan vaqtdan boshlab, insonlar hayotga o'zgacha nigo bilan nazar tashlay boshlashgan, uni turmush tashvishlaridan bir necha muddatga xoli qiluvchi maskan deb bilishgan. Aslida ham teatr insonni ruhan poklovchi, uning dunyoqarashini kengaytirib, hayotga yorqin nigo bilan qarab, har qanday voqeadan o'ziga xos xulosa chiqarishni o'rgatuvchi san'atdir. Teatr insonni ma'naviy yetuklikka eltishga xizmat qilgani uchun bugungi kunda ham o'z qadr-qimmatini yo'qotmay kelmoqda.

Shunday ekan, bu san'at turining eng asosiy va eng nozik jihatlari yosh avlodga ham o'rgatish lozim.

Menimcha, biz yoshlarga teatr haqida saboq berishni maktab davridanoq boshlash kerak. Odatda, maktab rahbariyati o'quvchilarning teatr haqida tasavvurga ega bo'lishlari uchun tez-tez spektakllar namoyishiga olib borib turishadi. Bu ham samarali yo'l, albatta. Ammo buning o'zi kamlik qiladi. Teatr haqida o'quvchiga dars sifatida ma'lumotlar berib

borilsa, maqsadga muvofiq bo'lardi.

Teatr saboqlarining samarali natijalar berishini poytaxtimizning Chilonzor tumanidagi 217-maktab qoshidagi drama to'garagi misolida ko'rishimiz mumkin.

Umida Oripova rahbarlik qilayotgan ushbu drama to'garagiga «Orxideya» nomi berilgan.

To'garakni tashkillashtirishdan ko'zlangan asosiy maqsad, o'quvchilarning teatr san'ati haqidagi bilimlarini oshirish, bo'sh vaqtlarini mazmunli va maroqli o'tishini ta'minlashdan iboratdir.

Maktabning rahbar o'rinbosarlari Nargiza Tursunovna va Komila Muxtorov-nalar «Orxideya» jamoasini doimo qo'llab-quvvatlab kelmoqdalar.

To'garak a'zolari darsdan bo'sh vaqtlarida maktabning tantanalar zalida mashg'ulotlar o'tkazishadi.

O'quvchilarning ma'naviy olamini boyitishga, nutqini rivojlantirishga hissa qo'shayotgan bunday ibratli ishlar boshqa bilim maskanlarida ham amalga oshirilsa, ayni muddao bo'lardi.

Mohinur AHMADJONOVA,
A.Sirojiddinov nomli akademik
litsey o'quvchisi

Miraziz A'ZAM,
O'zbekiston Yozuvchilar
uyushmasi a'zosi



HARBIYLIKKA O'QIYMIZ

Bir sinfdan uch bola,
Harbiylikka ahd qildik.
Turli harbiy fanlarni
Egallashga shahd qildik.

Qismlarga ajratib,
Yig'aman avtomatni.
Qo'lmda durbin bilan
Hushyor saqlayman sarhadni.

Zirhli moshin, tanklarni,
Haydab yurajak Elbek.
Zirillatib yerlarni
Na'ra taratib sherdek.

Botir esa sakraydi,
Reaktiv uchoqdan ham.
Desantchi bo'lib saqlar
Yurtning tog'larin bardam.

Lekin bosqin ko'zlamas
Biz — uch do'sting hech biri.
O'ylaganimiz faqat —
Ona Vatan tinchligi.

Xabaringiz bor, Xalq ta'limi vazirligi mutasaddiligidagi Respublika bolalar kutubxonasi, O'zbekiston Yozuvchilar uyushmasi, «Tong yulduzi» Respublika bolalar va o'smirlar gazetasi hamkorligida yurtimiz mustaqilligining 20 yilligiga bag'ishlangan «Mustaqillik madhi bolalar ijodida» nomli Respublika ijodiy ishlar tanlovi e'lon qilingan edi. Shu kunlarda tanlovning yakuniy bosqichi o'tkazilmoqda.

Tanlov o'tkaziladigan ma'naviyat dargohi – Respublika bolalar kutubxonasiga kelayotgan maktublar oqimi hamon kamaymayapti. Yurtimizning turli go'shalaridan o'quvchilar yo'llayotgan elektron jo'natma va maktublarda ona Vatan manzaralari, mustaqillik haqidagi beg'ubor tuyg'ular qalamga olinadi.

Bolakay maktab partasidan o'zi tug'ilib o'sgan ona zamini haqida qalam tebratishga hozirlanar ekan, albatta, bu tuyg'ular samimiyligiga, beg'uborligiga amin bo'lasan kishi. Ularning ijodi nekinlikdan dalolat berib turibdi.

Barkamol shaxs tarbiyasida Vatanni sevis, uning tarixini o'rganish muhim o'rin tutadi. Bunday tadbirlarni o'tkazishdan ko'zlangan maqsad kitobxon bolalarning dunyoqarashini kengaytirish, milliy urf-odatlarimiz, an'analarimiz va

qadriyatlarimizni ular ongiga singdirish, qalblarida kindik qoni to'kilgan zaminga muhabbat tuyg'ularini shakllantirishdan iborat.

– «Mustaqillik madhi bolalar ijodida» Respublika ijodiy ishlar ko'rik-tanlovining yakuniy tadbiri sentabr oyida Respublika bolalar kutubxonasining anjumanlar zalida bo'lib o'tadi, – deydi Respublika bolalar kutubxonasi ilmiy-uslubiy bo'limining boshlig'i Nazira Abdusamatova.

– G'oliblar Diplom, sertifikat hamda esdalik sovg'alari bilan taqdirlanadi. Ularning ijodiy ishlari «Tong yulduzi» gazetasida chop etiladi.

Ha, turfa fikrlar, hayot haqidagi beg'ubor qarashlarga ega o'quvchilarning fikr-mulohazalari, mashqlari ijodning shunchaki havas emas, balki mas'uliyat ekanligini anglashga undaydi.

Barcha sohalarida amalga oshirilayotgan islohotlar negizida inson manfaatlari, xususan, yosh avlodni mustaqil, teran fikrlaydigan, har tomonlama barkamol insonlar qilib voyaga yetkazishdek ezgu maqsad mujassam ekani e'tirof etilayotgan ayni damda, Respublika bolalar kutubxonasida amalga oshirilayotgan ishlarni ibrat qilsa arziydi.

Davronbek RAJABOV



«Mustaqillik madhi bolalar ijodida» tanloviga

BOBOLARNING ORZULARI USHALMOQDA

Jannat misol zamonada yashayapmiz,
Bobolarning orzulari ushalmoqda.
Hur Vatanda ildam qadam tashlayapmiz,
O'zbek degan yurtim mening yashnamoqda.

Samarqandim sayyorasi charog'ondir,
Nur sochmoqda Registonning minorlari.
Bunday yurtning farzandlari bilag'ondir,
Qo'ldan tushmas bobomeros hunarlari.

Toshkentimga havas qilar kelgan mehmon,
Uning ko'rk-u jamoliga boqar hayron.
O'zbek degan yurtim mening yashnamoqda,
Keldi bugun shunday zamon, shunday zamon.

Hur diyorim yigirmaga kirdi bugun,
Biz yoshlarning zamonamiz keldi bugun.
Davrimizning davronasin surmoqdamiz,
O'zbek degan yurtim mening yashnamoqda.

Shohista FAYZULLAYEVA,
Samarqand viloyati, Urgut tumanidagi
47-umumta'lim maktabi o'quvchisi

INSON ODOBI BILAN



Yaxshilik qiling.
Chunki yaxshilik odobdandir.

Abdurahmon JOMIY

Agarda yaxshilik qila olmasangiz, hech bo'lmaganda, bironvga zararingiz tegmasin, yomonlik qilmang. Inson odobi bilan e'tibor qozonadi, u bilan go'zal. Odob kishilarning yurish-turishi, muomalasida ko'rinadi. O'zgalarga yaxshilik qiladigan, kechirimli insonlar kam bo'lmaydilar. Aytaylik, siz o'z siringizni yaqin do'stingizga aytdingiz va uni boshqa bir sinfdoshingizdan eshitib qoldingiz. «Voy, men uni do'stim deb aytgandim, u bo'lsa darrov boshqaga yetkazibdi», deya do'stingizdan xafa bo'lasiz. Ana shunda do'stlikka putur yetib, o'rtaga sovuqchilik tushadi. O'zgalar sirini saqlay bilish ham axloq-odob doirasiga kiradi.

Bolajonlar, do'stingiz sizga sirini aytsa, zinhor-bazinhor boshqaga ayta ko'rmang. Tilingiz bilan dilingiz bir bo'lsin. Bunday insonlarning ko'nglida g'arazlik, hasad bo'lmaydi. Doimo yuzim yorug' bo'lsin desangiz, insonlarga faqat yaxshilik qiling!

OFTOBOYIM

O'quvchi yon daf'ariga

SPORTS SPORTS



ULAR BETAKROR EDILAR...

Qadrlı futbolsevar bolajonlar! Har yili 11-avgust kuni Markaziy «Paxtakor» stadionida marhum futbolchilarga o'rnatilgan byustning atrofi gulchambarlarga to'ladi.

An'anaga aylangan xotira tadbirida faxriy futbolchilar so'zga chiqib, samoda aviahalokatga uchragan «Paxtakor-79» a'zolarini ko'zda yosh bilan esga oladilar. Bu yil ham xalqimizning ardoqli futbol faxriysi Axbor ota Imomxo'jayev ular haqida to'lqinlanib she'r o'qidi. O'zbekiston futbol faxriylar Kengashi raisi Narimon ota Jalolov betakror futbolchilarni ismlarini yurak qatlariga joylashtirganini ifoda etdi. Murabbiylar, yosh futbolchilar,

marhumlarning oila a'zolari va muxlislar ishtirokida o'tgan xotira tadbirida unutilmas voqealar yodga olindi.

TA'TIL BELLASHUVLARI

Poytaxtdagi 327-maktabda Istiqlolimizning 20 yilligiga bag'ishlangan sport bayrami bo'lib o'tdi. Besh tur bo'yicha o'tkazilgan bellashuvlarda Yunusobod tumanidagi 21-, 220-, 235-, 265-, 302-, 313-, 327-maktablarning o'quvchilari ishtirok etdilar. Stol tennis, 60 metr ga yugurish, shashka, quvnoq startlar va mini-futbol bo'yicha o'tkazilgan bahslar hech kimni befarq qoldirmadi. Havaskor sportchi bolalarga tumandagi 19-BO'SM o'qituvchilari hakamlilik qildilar. Yakunlanib borayotgan yozgi ta'til kunlari bunday maroqli musobaqalarni tashkillashtirishda 317-maktab direktori Dilnoza Abdullayeva, direktor o'rinbosari Ma'mura Mansurovaning hissalari katta bo'ldi.



G'OLIBA

Muzaffar AHMEDOV

Beqasam tónlar kiyib...

Poytaxtlik tengdoshingiz,
3-sinf o'quvchisi Umida Amirova ta'til
kunlarini besamar o'tkazmabdi: loyiha
rahbari Prima Tatyana Yuryevna boshchi-
ligida Tarvuzpolvon haqida loyiha yaratibdi.

Yetti sahifadan iborat mazkur loyihada
tarvuzning kelib chi-
qishi, Vatani, shifobaxsh
xususiyatlari, uning
inson salomatligini
mustahkamlashdagi
o'rni haqida qiziqarli
ma'lumotlar kelti-
rilgan. Ayniqsa, 119
kilogramm kattalik-
dagi Karolina-Kross
navli tarvuzning ja-
hon rekordini o'r-
natgani hamda ayni
kunlarda uning 1200 dan ziyod
turi 96 mamlakatda yetishtiri-
layotgani haqidagi ma'lumot
hech kimni befarq qoldirmadi.

Umidaning gazeta va jurnal-
lardan, kitoblardan, ensiklope-
diyadan to'plagan manbalarini
o'qib, biz ham ko'pgina yangi
ma'lumotlarga ega bo'ldik.
Masalan, tarvuzlarni bahorning
so'nggi oylarida, hatto qishda

ham bozor va do'konlarda uchratish
mumkin bo'lsa-da, avgust quyoshiga
to'yinganlarini yeyish foydaliroq
ekanligini, uning yurak qon-tomir,
buyrak, ichak kasalliklariga shifo
bo'lishini, tanadagi ortiqcha yog'
miqdorini kamaytirishini ham
bilib oldik. Buning uchun
jajji Umidadan minnat-
dormiz.

Xo'sh, aziz bolajonlar, Siz
ta'tilni qanday o'tkaz-
dingiz? Nimalar o'qi-
dingiz? Bu haqida
bizga, albatta, yozib
yuboring.

O'z muxbirimiz


Suratni ko'riboq, gap qanday ne'mat
haqida ketayotganini anglagandirsiz-a? Ha,
barakalla, yam-yashil beqasam to'nini kiyib
olib, qornini oftobda toblab, polizlar-u bozor
rastalariga ko'rk berib turadigan Tarvuz-
chanqab turganingizda, 80 foizi suvdan iborat
bo'lgan bu ne'matdan totinsangiz, qanday
huzurbaxsh rohatni his qilishingizni bir
tasavvur qiling-a!..



TOSHBAQA UYASIDA

Shimoliy Amerikaning Sonor cho'lida yashovchi
o'txo'r, imillagan gofer toshbaqa uya qazish bo'yicha
champion bo'lishi mumkin ekan. U kuchli, keng old
panjalari bilan chuqurligi 12 metr gacha bo'lgan uya
qaziydi va kunning issig'ida shu yerda jon saqlaydi.
Sonordagi ko'pgina jonivorlar goferlarning
boshpanalariga kirib oladilar.

Toshbaqa uyasida kaltake-
saklarni, kemiruvchilarni
(masalan, quyonlarni),
qurbaqalarni, ilonlarni uch-
ratish mumkin.



QURBAQALAR HAM «GAPLASHADILAR»

Erkak qurbaqalar vaqillashi uchun tomog'idagi
maxsus ovoz xaltachalarini havo bilan to'ldirishi
kerak. Bu juda baland ovoz
chiqarishga yordam beradi. Erkak
qurbaqalar o'z ovozlari-
dan urg'ochilarining ko'nglini olish va
o'z hududini himoya qilish
uchun foydalanishadi. Ba'zi
zaharli qurbaqalarni nafaqat
rangidan, balki vaqillashidan ham
bilib olish mumkin.

DILOROM

SUDOKU

Bo'yi va eni bo'ylab 1 dan 9 gacha bo'lgan
sonlar, shuningdek, 9 ta 9 xonali ajratilgan
bloklarda ham 1 dan 9 gacha bo'lgan raqamlar
takrorlanmasligi shart.

1	2	6	5	7	8			
	9	3			1	2	7	8
		7		2	3	6	5	1
6	8		3	1	7			2
2	1	4				3	8	7
3			8	4	2		1	6
7	3	1	2	5		8		
4	6	2	1			7	3	
			7	3	6	1	2	4

3		1		7		9		4
	7		4		1		3	
4		6		3		8		1
	1		7		2		9	
7		2		9		5		3
	4		3		8		1	
6		7		4		1		8
	9		8		7		6	
1		8		2		7		9

Tuzuvchi: F.ABDULLAYEV



Dorixonaga bir bolakay kirib keldi:

— Menga og'riqni qoldiradigan birona
dori bering.

— Qayering og'riyafti o'zi?

— Hozircha hech qayerim og'rimayapti.

Faqat kechqurun dadamga kundaligimni
ko'rsatishim kerak.

Fayzulla ABDULLAYEV tayyorladi

MUALLIFLAR DIQQATIGA:

«Tong yulduzi» gazetasiga maqola, xabar va boshqa
badiiy asarlar yozganliklari uchun qalam haqi
to'lashga quyidagi hujjatlar talab etiladi:

1. Kattalar uchun pasport nusxasi; maktab o'quvchilari
uchun tug'ilganlik to'g'risidagi guvohnoma nusxasi, o'quv
dargohi va mahalladan ma'lumotnoma.

2. INN raqami.

3. Jam'arib boriladigan nafaqa daftarchasidan
nusxa.

Ushbu hujjatlar nusxalari taqdim etilmasa, qalam haqi
to'lanmaydi.



Muassislar:

O'zbekiston Matbuot va axborot agentligi,

O'zbekiston Respublikasi Xalq ta'limi vazirligi,

«KAMOLOT» yoshlar ijtimoiy harakati Markaziy Kengashi,

«SOG'LOM AVLOD UCHUN» hukumatga

qarashli bo'lgan Xalqaro xayriya jamg'armasi.

BOSH MUHARRIR:
To'liqin HAYITOV

Dizaynerlar:
Fazliddin
SHOYODGOROV,
Olovuddin
ORIPOV

Navbatchilar:
Gulyuz ORIFJONOVA,
Yusuf ABDULLAYEV

Gazeta
O'zbekiston
Matbuot va
axborot
agentligida
0208-raqam
bilan 2007-yil
2-fevralda
ro'yxatdan
o'tgan.

TAHRIR HAY'ATI:
Svetlana INOMOVA,
Odina JAMOLDINOVA,
Jahongir MUSAYEV,
Jabbor RAZZOQOV,
Murtazo SULTONOV,
Feruza JALILOVA
(Bosh muharrir o'rinbosari),
Feruza ADILOVA
(mas'ul kotib),
Dilmurod RAHMATILLAYEV,
Dilshoda DADAJONOVA

Manzillimiz:

Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail: tong1924@bk.ru
www.tongyulduzi.uz
Tel: 244-27-25, 244-63-08

Tel/faks:

(99871) 244-38-10

«O'zbekiston»

NMIUda chop etildi.
Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.
Haftaning dushanba kuni
chiqadi. Shakli A-3,
2 bosma taboq.

ISSN 2010-6092

Adadi - 31634

Buyurtma N: J 2530